

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quæ mala vulgo propter Iohannis electionem euenerint, & de infidiis per  
Sicarios illi structus. Cap. XXI.

**urn:nbn:de:hbz:466:1-12718**

*Quæ mala vulgo propter Iohannis electionem  
euenerint, & de insidiis per Sicarios illi  
struetus. CAP. XXI.*

Iohannes ergo depositus, ecclesiastico munere non ampius fungitur, sed in episcopali diuersorio quiescit: Iam autem finita quadragesima, in ipsa sacra nocte qua anniversarium festum celebratur, ad memoriam resurrectionis dominicæ, qui Iohanni's fautores erant Ecclesia extruduntur, inuidentibus eos interim dum mysterijs adhuc occupantur, militibus atq; illius hostibus, quæ quidem res cum ex improviso accideret, ingēs tumultus oriebatur circa Baptisteriū, mulieribus ciuitatis ac turbatis, pueris plorantibus, sacerdotibus verò ac ministris vapulatibus, & in ornatu, ut erāt per vim raptatis. Cætera enim, quæ in tanta confusione fuisse facta cōsentaneum est, qui Christo dederunt nomen, haud ignorant, ego autem necessariò tacebo, ne quis fortè profanus in hanc histriam incida: Reliqua igitur multitudo vbi insidias istas comperisset, postridie relicta ecclesia in publicum Balneum adinodum amplum Imperatoris Constantij nomine insigne congregata, Pascha celebrauit, sub Episcopis & presbyteris & reliquis alijs, quibus ecclesiam gubernare fas est, qui tum, vt Iohanni's fautores, populo aderant. Cæterū & hinc rursus expulsi conuenerunt ante urbem in quandam locum, quem Constantinus Imperator, nondum ciuitatem auspicatus, in equestris certaminis spectaculum ad ornarat afferibus conuallatum: Deinceps verò interdum hic, interdum alibi, prout concedebatur, priuatim cōgregabantur, ac Iohannitæ vocabantur. Eadem tempestate vir quidam dæmonijs agitatus seu agitari creditus, gladiolum habens, & velut ad cædem Iohannis instructus, sed facinus nondum aggressus deprehenditur, & à multitudine tanquam pretio ad insidias faciendas conductus esset, captus ad Hyparchum abducitur. Quem tamen Iohannes missis aliquot episcopis secum versantibus liberauit, anteq; supplicio afficeretur:

Postea

## SOZOMENI HISTOR.

Postea verò & Elpidij presbyteri, (qui quidé diaconi manifestus hostis erat) seruus in episcopales aedes effuso cur su irrupit. eum agnitus quidam ex his, qui forte aderant, è cursu remoratus est, & causam cursus inquisivit. Ille vero nihil respondens confessim cultello hominem pungit, & post eum etiam alterum, qui ad huius cædem exclamaverat, quin & præter hos etiam tertium vulnerat. Tumultuibus igitur cum clamore his, qui aderant, conuersus aufugit, & cum hi, qui eum persequebantur, eos, qui procul erant adhortarentur ut fugientem comprehendenderent, ex balneo quidam accurrens, ex quo recens lotus progre diebatur, illum apprehendit, ac lata literab illo percussus mortuus extenditur: Tandem verò cum à multitudine vnde cinctus, ac vix demum comprehensus esset, abducunt eum ad palatium, & ibi tum hostium Iohannis insidias, tum ipsum hunc homidiam, tum & huius facinoris instigatores contestati supplicio afficiendos esse vociferantur. Itaque Hypatchus, ut iram populi mitigaret, illū tanquam supplicio affecturus accepit.

*Quo modo Iohannes Chrysostomus iniustè sua sede expulsus, & ob eam rem tumultus excitatus fnerit, & de ecclesiæ incendio, & de Iohannis apud Cucusum exilio. CAP. XXII.*

**E**X eo tempore Iohannem porro custodierunt, qui in populo feruentiores erant, noctu iuxta atque interdiu vicissim domum episcopalem circumfidentes: Episcopi verò qui aduersus illum conuenerant, ecclesiasticarum legum confusionem fieri conquesti, ad se ipsos recipere aiebant, quod iustissima esset, latam aduersus ipsum sententiam, atque illum urbe excedere iubebant, aliqui enim nec populum quidem conquereturum: Cum itaque & ab Imperatore missus insuper quidam minis adiectis id faciendam præciperet, clam populi custodibus egressus est, id conquestus tantum, & præter leges ac per vim eiiceretur, quæ ne iudicio quidé dignati essent, quod & homicidis & præstigiatoribus, & adulteris ex lege concederetur,